

宋

會

要

全唐文

宋會要

堤岸

徽宗建中靖國元年四月三十日詔發運司差官點檢廬山新河堤岸如有墊缺連加補築仍自今歲以為常

受納 缺序照上書字一表

# 受納

## 賦稅雜錄

紹興三年正月二十三日江東西路宣諭劉大中言信  
州并諸縣從來受納人戶秋苗粳米等子正耗外別收  
名色非一據合納正數不啻一倍以上乞申嚴法禁行  
下諸路州縣不得更似前日大收加耗詔令戶部檢坐  
條例申嚴行下不得加耗太重 四年六月十七日詔

止一作勘

諸路專委提刑司檢察州縣受納夏稅和買預買紬絹如有故促期限及阻節乞取諸般搔擾並按劾聞奏當議重寘典憲其合千人先次送獄禁止 九月十五日明堂赦比年以來郡守進務侵漁多選委貪吏受納至有輸一碩而加耗至三四斛者刻取其贏以資公帑民被其害無不怨嗟仰帥臣監司常切覺察如敢循習故態按劾以聞當議重寘典憲仍許人戶越訴 五年八月二十日臣僚言民間送納兩稅斛斗多緣推割不明催科無術支移太遠折變價高攬納射利公吏求貨雜以濕惡高下斛面盜印虛鈔失陷羨餘如此十事州縣漫不省察欲望中覈受納差官條令委漕臣前期取索

施不施

將逐州縣合差官各委通知加意遴選連銜舉保依舉  
官法結罪同狀兼受納倉封送官鈔率經累日縣官失  
于朱銷再行舉催搔擾民戶更乞州縣受納之際督責  
主簿就受納倉即時銷簿又有因緣詐偽以團印樣製  
相似輒用舊鈔朱銷新簿暗失稅數為患滋甚若將逐  
年團印樣製施行增減大小間以篆隸為文庶可區別  
新舊檢察欺隱其州縣受納絹帛差官等亦望依此施  
行詔令戶部勘當中尚書省其後戶部言所陳推割等  
十事禁約外今欲下諸路轉運司令行下所部州郡常  
切遵守仍將受納二稅官依法州選幕職外縣差丞簿  
施行及夏稅入納月分即依所乞就受納倉銷簿其團

印樣製並依法更改雕造不得與以前年分相似如主簿有事故即委縣丞就倉銷押務在革去虛印失陷以舊鈔銷新簿之弊也從之 九月三日詔受納苗米所收水脚市例廩費等錢每碩不過二百文省如不及二百文處依舊數收納其自來不曾收納去處即不得創行增納 六年九月十八日右司諫王縉言近覩指揮許江浙人戶預以米斛折納來年紬絹每足二石取其情愿誠為公私之利竊<sub>見</sub>諸路州縣受納秋苗例有加耗欲望特降睿旨應折納米斛下並免收耗于是戶部言浙西州軍紹興六年分夏稅紬絹折納米斛已承指揮令抵斛交量所所有自來合收加耗并頭子廩費錢

並不得收納如違並計贓坐罪詔依已降指揮施行

十

月二十六日右司諫王縉論受納之弊朝廷雖屢降約  
束而州縣視以為常人戶輸納並受其弊且如受納多  
處漕臣差官其次則本州選委而倉庫寺斛等願差某  
官則預先賄賂州縣監司主行之吏差帖既下私相慶  
賀開場之後百端作弊或晚入早出或隨例迎送或幹  
當別事或非法理退換使人戶殷搭出入守候費用甘心  
重收加耗或多收樣米分給人從或照管親知惟封  
鈔或與攬納之人通同作過欲令人戶高價貼陪或收  
耗既多陰計其數印打虛鈔至般米在倉經旬不納而  
連催鞭箠略不加察或已納而不給鈔或給鈔而不銷



簿積弊至此不可不懲詔令戶部檢坐受納及銷鈔等  
見行法令并與後約束申嚴行仍委諸路常平茶鹽提  
刑轉運官分定州縣躬親體究有無前項違犯情弊  
據事件去處保明申尚書省如縱容隱庇體訪得知保  
明官司并運戾州縣并令取旨重行貶竄十一月九  
日詔秀州當職官先次各降一官人吏從重斷勒罷以  
兩浙轉運副使朱繹體究得秀州海鹽縣受納米斛掾  
攬人送納每碩于人戶處討米一碩六斗五升或一碩  
七斗故也七年九月二十二日明堂赦州縣受納作  
弊昨降指揮令諸路監司分定州縣體究並不恪意奉  
行外臺耳目慢令若此何所賴焉仰檢坐前後條例行

下州縣嚴加約束常切遵承尚敢蹈習違戾即按劾而奏犯人重行典憲必罰無赦 十年九月十日明堂赦州縣百姓輸納稅租監官多是晚入早出不即受納給鈔及縱容若干人百端非理退難遂致憑藉攬納之人重有陪償雖已有先後約束仰監司嚴加檢察如尚或蹈襲違戾並仰按劾奏聞 紹興十三年十一月八日南郊赦亦同 十七年二月四日上諭輔臣曰昨日有人言州縣折納稅絹每足有至十千者恐傷民力可令戶部措置 二十年二月一日將作監丞李巖老言州縣理納稅賦必依常限及時催科令佐毋得分鄉自至村落詔令戶部檢坐見行條法申嚴行下 五月二日

前權知臨江軍彭合言本軍清江縣五鄉與四鄉秋苗  
每一碩加耗米七斗於造簿之際已行<sup>冊</sup>登載至人戶赴  
官送納遂成久例獨一鄉係新塗縣撥隸則無此耗欲  
望悉與蠲免仍于造簿之際不得更載前件耗數或已  
係經界均稅即不得將舊來係簿加耗于正苗內均敷  
上曰彭合所論可令戶部照應本軍別縣條例蠲免<sup>冊</sup>  
昨任縣官監司因曾列荐今可與監司知州差遣  
六月二日右正言章夏言夏秋人戶所納二稅或在州或  
就縣各從其便及時入官不致拖欠<sup>冊</sup>訪聞州郡利於  
出剝及合于專庫<sup>冊</sup>利<sup>冊</sup>于糜費遂致酒管就州送納至貧  
民下戶有般擔之費往來之勞伺候陰晴動輒數日甚

者或本州差官下縣專置一局受納切取出剩歸公使  
庫兼所差官挾勢凌逼縣道違法批券百端搔擾乞應  
人戶輸納二稅不拘州縣許從其便或有出剩之數並  
附亦厯不許擅撥歸公使庫如有違戾嚴正典刑從之  
八月二十三日上諭輔臣曰近日宣州太平縣布衣  
史敦仁上書言州縣輸納多增水腳錢等事宜令戶部  
看詳此亦民間之害不可不禁止也繼而戶部看詳欲  
下轉運司并本州遵依已降指揮每石隨苗收納一百  
文者不得輒于數外更有增科搔擾若守臣監司失于  
覺察委御史臺彈劾仍令憲司取索增添因依申尚書  
省取旨施行上曰此蓋州縣官吏並緣<sub>端</sub>而奸不恤百姓

朕今日所以休兵誨好者正以為民耳若州縣不知恤  
民殊失朕本意二十一年閏四月二十二日知桂陽  
監趙不易言湖南人戶納苗徃徃州縣高量斛面一石  
正苗有至三石少至一倍故令戶部措置從本路轉運  
司造一樣斛斗降下不得擅行置造倍收耗數從之  
二十四年二月二十六日右迪功郎守大理評事鞏衍  
言奏切見州縣受納米斛必有土居及寄居官員秀才  
并上司公人封鈔請求每石坐收錢數百或至一貫以  
上一歲之間所得有至千餘緡者受納官為之減退外  
合不擇濕惡却于其餘人戶下多增斗面以償其數徃  
徃貧乏下戶困于輸納虧公害私莫此為甚乞下所屬

檢會法令申嚴禁止仍委逐州守臣刊板揭于受納場  
廳事之上使朝夕觀之思所以副聖主愛民務本之意  
從之 四月十八日大理寺主簿郭淑言伏覩條令受  
納物帛之類不許輒有污損比三州縣受納官不得其  
人朋有徇私之吏凡攬子等責到吏不問紕踈長短一  
切受之若人戶親納則吹毛求疵稍不及格即以桮抽  
墨煤運用退印塗漬縱有及格者又復勒倍納稅錢方  
與交收其錢糧收附歷以塞人言望令有司嚴行戒飭  
俾無違戾仍委諸路提刑司常切覺察上察其事重為  
民害乃詔戶部申嚴行下仰監司覺察按劾如失覺察  
令御史臺彈奏仍許人戶越訴 二十五年十二月二

十四日左奉議郎知太宗正丞王珪言今之急務莫先于富國裕民于庶事為有事之備古者三年耕必餘一年之蓄九年耕必餘三年之蓄雖有飢饉民無菜色今四境無虞干戈不用而小有水旱一方之人多致流離死徙不能自存且以目前利害言之蠹民之財莫甚于輸納二稅之弊大率較之逐年秋租加耗之人或過于正數官收一歲之租而人輸兩倍之賦中下之家卒歲之計僅足以給而輸官之物半已糜費所以催科常不及分民間欠負無時可了雖無水旱之變而逃租棄產漂寓他鄉者往往而是也朝廷雖申嚴約束而州縣公肆斂取無所畏憚者唯其有說可以藉口矧又循習之

久不以為恠也且如官中既有正耗而州縣又別立加  
合以軍儲吏廩為名凡有所須盡出于此黠胥汚吏因  
得為奸取之無藝官收一歲之租人輸兩倍之賦甚可  
憫也臣愚以為莫若度州縣所用有不可闕者多寡之  
數立為定例使上下通知此外不得分毫有所須索必  
重寘典憲不唯少寬民力亦使官租易辦公私之利無  
以踰此行下有司畧為措置務見實効無事虛文詔令  
戶部檢坐見行條法申嚴行下委監司約束所部州縣  
不得過收加耗仍于受納處大書板榜曉諭 二十六  
年二月十二日權刑部尚書韓仲通看詳到知欽州  
趙不易言便民五事內一事雷化等州民間納苗多令



折銀擾民為甚送部看詳欽令並納本色上曰百姓足  
君孰與不足百姓之財乃國家外府安可盡取但藏之  
于民緩急亦可以資國用 七月十四日詔人戶輸納  
夏秋今正當開場受納擁併之時訪聞州縣受納官縱  
令公吏非理退換乞覓邀阻及用墨油退却損污或封  
寄在場更不給還重疊拘催擾擾非一以戶部日下申  
嚴約束如有似此違戾去處仰監司按劾申尚書省重  
作施行 八月四日上宣諭輔臣曰訪聞臨安府受納  
稅絹多是乞覓阻節近有一百姓送納本戶絹一疋被  
退曰詢之云官中不經攬納人不肯收給朕令人以錢  
五貫五伯文買到却是堪好衣絹已令韓仲通根治近

在輦轂尚乃敢爾外方輸納想見受弊沈該等曰陛下  
勤恤民隱灼見弊源如此天下幸甚 二十二日戶部  
言臣僚請頂四川折估物帛價錢緣財賦係提領所取  
撥應副贍軍本秦遠難以遙度今欲下本所相度量行裁  
減具數申戶部以聞從之 二十八日右正言凌哲言  
諸路州縣起催秋苗有期自來受納姦弊百出最為民  
患受納官物全藉監官約已奉公鈴束吏姦然場務專  
斗等每以厚賂預囑監司州郡主行之吏乞差某官既  
遂其請酌酒相慶凡監官供家百須皆取辦之上下相  
蒙恣為奸弊百姓受害無所赴訴乞嚴飭監司郡守應  
差受納官須躬自体訪選委清強有風力之人使之究

心措置約束又攬納之弊自來罪賞約束至為嚴切終  
不少革者蓋緣遠村細民戶產微薄輸納零細須憑攬  
人湊數送納因得為弊乞嚴戒受納官每遇人戶般米  
入倉並須躬親看詳依公丈量其合收耗米並依衆例  
不得容情增減及停留作弊仍乞委自守貳不時稽察  
苟有違戾重作施行從之 二十七年六月十五日江  
南東路轉運判官葉義問言江東西州縣受納人戶苗  
米水脚等錢每石收二伯文省委是酌中宣州頃因知  
州秦梓申奏畫旨每錢納錢一伯文省往往受納之際  
暗加斗面或別立名目科斂于民欲望行下宣州每石  
納錢二伯文省從之 九月四日左司諫凌哲言諸路

吏不受

州軍受納秋苗去年朝廷頒降斛樣本以革斗量輕重之弊而諸州每月交量令兩夫持杵夾立抄米入斛時復按搖務令堅實校其多取之數又過倍于用斗之時人戶反賂倉斗願依舊用斗量至于乞取情弊畧不悛革伏望嚴戒諸路州軍長吏自今受納官上自幕職以至管下縣鎮有剛介自守曉事戢吏之人通行選差使之遵守前後所降條禁以杜塞閑節仍乞委各路提刑專心體訪如有違戾去處依條按劾必罰無貸從之三十年九月八日上諭輔臣曰夏稅秋苗若郡守不得其人受納官多取勝量則民必歸之攬戶又鄉司部吏因緣生奸一斛至加五斗人戶安得不受弊鄉等可于

夏稅秋苗時令依省限催理仍督責受納官歲歲如此  
常行戒飭庶令寔惠下及百姓宰臣湯思退奏曰臣等  
當恭奉聖訓 十一月三日守侍御史汪澈言江西歲

以筠袁二州民戶苗米令赴臨江軍輸納以江道淺狹  
而裝綱非便緣此官吏恣為侵漁色目甚多其數浩瀚  
知軍坐享公庫之豐而筠袁之民嗟怨盈于道路今欲  
乞令江西漕司與二州守臣相度或只就本州受納若  
必欲寄教即令各州自差官吏專斗受納無使臨江之  
人干預從之 紹興三十二年

孝宗即位未改元

八月二十三

日詔州縣受納秋苗官吏並緣多收加耗規圖出溢却  
將溢數肆為奸欺虛印文錢給與人戶民間相傳謂之

白鈔方時艱虞用度未足欲減常賦而未能豈忍使貪  
賦之徒為民蠹今後似此違犯之人許諸色人不以有  
無干已越訴如根治得寔命官流竄人吏決配永不放  
還仍籍家資 孝宗乾道元年正月一日南郊赦應夏  
秋二稅催科自有省限州縣官吏多不遵奉條法受納  
之際多端作弊倍加斗面非理退換縱容專斗揀子計  
會乞取方行了納或先期預借重值理不與除豁既已  
納足阻節銷鈔之類甚為民害仰守令嚴切覺察如有  
違戾仰監司按劾申奏重行黜責仍許人戶越訴 三  
年六年九年南郊赦並同 五年正月二十八日詔今  
後受納折帛銀照依左藏庫例與民戶折納不得輒有

減降令逐路轉運司約束不得違戾先是逸年民戶輸銀于官者每兩折直三千二百而輸之左藏庫却折三千三百每兩暗贏人戶百錢臣僚言之故有是命十月十八日臣僚言臣恭觀陛下臨御之初約束州縣受納苗米多收加耗法禁甚嚴而近年以來所收增多且以近甸論之秀州歲收苗米三十餘萬石每石舊例止收耗一斗四五升而二年以來一石增納至五六斗計每歲溢取十五萬石連朝廷拋降和糴却以出剩之數虛作糴到所得價錢盡資妄用乞申戒州縣杜絕弊倖庶寬民力從之七年六月二十七日詳定一司勅令所脩立到條法諸受納苗米官縱容公吏巧作名色乞

取者比犯人減一等罪徒二年仍許人戶經監司越訴  
州縣長吏不覺察與同罪以臣僚言人戶率用兵二石  
有餘一千文足以上方能了納正米一石乞行禁止故  
有是詔

此下有厚熙玉嘉定一卷應補鈔



宋會要

前缺凡租稅 至政和元年五月一卷

稅賦稅雜錄 後缺唐熙寧元年 至嘉寧十二年五月二卷

徽宗政和二年二月六日尚書省言通判萊州吳長吉奏賦歛折科之法外路官司猶務括刻以京東一路言之漕司不問州郡輸納所估之價惟就一路中擇其最賤者納限將畢裁損不已有詳欲轉運司科買及折納之物謂本土所有者若已曉諭復令別納錢物及反復紐折過為括刻者州縣連申本司改正及申尚書省戶部相度如或固執即具狀以聞從之五月九日臣寮言願詔諸路監司告戒所部令丞預于催科之前舉行法令毋失期會使民報于輸納毋繁文移督責以滋吏姦

其有課最號為不擾者歲特取一二尤者以間特加褒  
擢以示旌勸從之六月十九日戶部侍郎王詒言欲  
諸路今後有興修陸田為水田去處並從提舉司開報  
轉運司依崇寧四年二月二十六日指揮增稅其未增  
者准此從之八月五日戶部言大保長催稅係熙豐紹  
聖良法行之累年別無未便昨米臣寮起請乞差保正  
副大小保長及甲頭事理竊慮只合遵依見行紹聖條  
法從之十八日給事中俞橐言諸輸納折變物並以  
納月上旬時估中價准折今州郡覲望上司以意裁減  
名曰時估寔非隨時名曰中價其寔失中名曰依法其  
寔侮法且如六月納麥即市司于五月中先減麥價僅

留三四分至折科已定即增增價二稅亦然詔戶部坐  
條申明行下 三年七月一日梓州路計度轉運副使  
王良弼奏欲州縣應稅限及期而納數未數歟欲虛申  
其數以追一時之責者令佐及縣吏書手並科運制之  
罪吏非知情減二等從之 九月二十八日京西路計  
度轉運司使王琦言本路唐鄧襄汝等州治平以前地  
多山林人少耕植自熙寧中四方之民輻湊開墾環數  
千里並為良田知唐州高賦曾將所墾地內每頃立稅  
止一二百餘州更不曾立稅多係有田無稅之戶元豐  
間察知其弊將所墾新田立定五等稅額元祐往罷不  
行大觀施行間因人戶陳狀又復往罷四十餘年官中

失收祖賦以貫石計之逾數千萬今將唐鄧襄汝比鄭  
洛孟稍輕重何啻十倍一路民情抱幸不幸之弊詔元  
豐已立五等之稅今日自當遵守元祐廢罷以迄于今  
失于修復可依元豐法令轉運提舉常平司措置開奏  
四年四月二十二日荆湖北路轉運司奏每歲收支  
係省錢糧物帛等並許收頭子錢物價值錢千緡收五  
錢充裨助直達糧綱水夫工錢及綱運等糜費支用詔  
依其應行直達綱路分准此 十月十九日詔諸路州  
縣輸納二稅及糴納粟米麥等違法重收加耗歲以為  
常羨積數仰尚書省檢坐條置措置禁止 五年十二  
月二十一日尚書右員外郎充陝西路案訪方邵奏体

訪得陝西路近棗州軍逐年將人戶稅租不用條令便  
行估價納錢貼納腳費其所定價不寔民間輸納比本  
色支移各有陪費乞下有司申嚴抑勒之禁以寬民力  
詔坐條申明行下六年八月二十五日詔京西唐鄧襄  
汝四州新頒覈法本以寬恤民力續降指揮抵以見錢  
就本處輸納又絕輦致脚乘勞費之弊漕司不詳音意  
尚循例所稅外更收腳錢歲僅三十萬甚失惠下恤民  
本意可先次速行止絕仍詳悉申明行下 九月十二  
日沅州奏本州縣第二等已上人戶稅米赴靖州送納  
今年適當春種之時被賊人黃安俊等燒劫人戶散去  
耕種不時今米蕩減人戶漸歸業欲降指揮將稅賦

正就本州送納候人戶安業却依例支移徙之八年  
二月十七日臣僚言州縣夏秋二稅文簿不依例條置  
櫃封鎖當官騰造銷鑒遇改造簿書及割推受稅物胥  
吏走移減落暗失額管稅數納畢稅鈔往往夾帶見欠  
一例銷鑒至有楷改鈔旁數目納少銷多其弊百出乞  
立驅磨稅簿之法詔令諸路轉運司講究措画諸司互  
察戶刑部立法宣和元年二月十四日臣僚言大名  
縣政和八年秋稅雜草錢初令民戶折納小豆民苦秋  
災無豆乞納白米揭榜從之令支往濟州輸納開闢四  
百餘里津輸甫畢却指揮納豆乃令自往濟州請米米  
周萬萬無可請之理而豆又非時監勒催驅急于星火

方春東作農事鼎興而田家坐此以見失業詔提刑司  
体量以聞 四月三十日詔自今州縣管納二稅及和  
預買納絹限滿仰漕司差官收索于照點對拘納足與  
未足數目漕司覈實取最勤隋去處具今知通令丞姓  
名聞奏于入<sub>胡</sub>省投進當議特行熟陟功阻 三年正  
月四日知州王倚奏應緣軍儲乞并官戶一例科糶民  
戶並止第二等以上候事平日依舊從之 二十七日  
詔諸路見催理積久多係拖欠岁久及民力不易一併  
輸納不前可並與展限三年務從優卹不得少有因獎  
民力疾速行下 三月七日臣寮言江東路輸苗米一  
石者率皆納一石八斗和買絹未嘗支給價錢而漕臣

又今州縣所買絹須以重十三兩為則如兩數不足勒  
令人戶係絲價貼納見錢每兩不下二百餘文百姓以  
此重困詔提刑司体究以聞違法者先改正訖奏 四  
月二十七日戶部言知袁州辛炳奏本州先准降到唐  
度措置拘收鈔旁錢等區一事件續承本路提刑司牒  
措置約束內一項倉庫受納人戶布帛不成端匹難以  
條聽與別戶合鈔納本色仍合戶出買鈔旁錢各戶給  
鈔謂如十戶共納絹一疋即買鈔十副填十戶所納大  
尺各給臣今取會到本州倚郭一縣人戶數內一萬四  
千五百一戶各係納夏稅絹一尺若人人買鈔即是四  
十戶共納絹一匹合買鈔四十付通合納絹三百六十



二疋二丈一尺合買鈔一萬四千五百四十一付其餘  
三縣亦各多是下戶不惟受納擁併之際即鈔給散必  
致差互留滯元降指揮既令依條即無各戶買鈔之文  
事屬強擾看詳租稅布帛不成端疋合鈔納本色已有  
見行令文該載即無須令各買鈔條法指揮今來袁州  
袁雖已寢罷尚慮諸路州縣亦有似此去處今欲申明  
行下從之 四年十月三日臣竊言官戶占田用蔭具  
載格律州縣未嘗奉行在格自一品百頃至九品十頃  
其格外之數並同編戶在律九品之官身得用贖而祖  
父母父母妻子孫皆不與焉故生為官戶沒為齊民欲  
望賦役皆如本法庶幾貧富貴賤無不均之弊從之

五年十二月三日手詔頃因河北燕山通為一路有司庶事取足河北及緣吳賊犯邊漕臣不恤百姓科賦併下調發頻數困屈民財奪其時力兩路人戶不得安業賊盜竊發其間所至搔動北顧為之惻然仰宣撫司河北路帥臣漕司提刑提舉司体茲親筆詔諭躬親覺察州縣因新邊搔擾等事嚴切禁止其送納稅糴有旁近沿流可通水運去處雖非元指定送納所在聽民戶就近輸納量出腳錢官為水運前去所有均糴斛斗相度分立番次量與展限六年閏三月二十日詔輸納稅租逐年違欠及形勢人戶令諸縣置簿專一拘催科校仍前期榜亦從京師轉運付使朱彥美請也 七年四月

七日詔諸路轉運司常平司行下州縣取索去年八戶  
應平欠負見合催理稅賦租課均糴等無以二麥折納  
仍以在市見賣的實中價取問情愿不得高估小估及  
抑勒強擾其約束官吏刑名等並依已降糴買指揮從  
尚書省請也 六月十一日詔今歲夏田豐稔價賤傷  
農除常平錢物已降指揮外人戶應平欠負令諸路豐  
熟州縣估定大小麥寔直工價更與加饒三分聽人戶  
赴官折納即不得輒有折勒應合分科積欠只合將當  
科合催之數功誘折納其未合驅催科次不得一例驅  
催從講議司請也 八月二十五日尚書省言凡輸納  
租賦有官鈔有倉庫鈔有監生鈔所有閭防去失互相

參照其戶鈔給散人戶今諸縣制尤多追人賣鈔呈驗  
乞立法禁止從之 十月二十一日臣僚言和糴天下  
良法奉行之吏縱吏為姦不即支償或強抑配輒虧其  
直如度牒一道官價二百千抑配民間僅不得三之一  
香藥鈔每歲降撥動以數百萬計準折價錢支與人戶  
而所請寔無幾良民鬻田破產恬不知恤京畿自祖宗  
時和糴之法不行近年緣漕臣申請意欲希進自是一  
例優與諸路無異訪聞夏秋稅賦巧立名目非法折  
變如絹一匹折納錢若干錢又折麥若干以絹較錢錢  
倍于絹以錢較麥麥又倍于錢殆與白著無異前日東  
北諸郡寇盜蜂起劫掠居民蓋監司官更有以致之欲

降睿旨諸路和糴別行措置無令聊配準折免致民間  
虛折市價拜夏秋稅賦止依常制輸納本色不得非法  
折變暗增數目拜許人戶越訴嚴立法禁監司重行耽  
責仍委逐路提刑司覺察密行聞奏從之 十一月十  
九日南郊制京西人戶合納稅租已降指揮更不支移  
止據地里出納腳錢本路却將所納錢指定州軍令人  
戶自齎前去以至下戶依條免支移亦令一例出納腳  
費顯是奉行違戾仰提刑點檢廉訪覺察改正訖奏拜  
諸路人戶合納稅租近來催稅公人等多不等人戶輸  
納一面彊韋耕牛典質或以代納為名拘留折欠更不  
給還致妨廢耕種已上自今如有違犯許人越訴 欽

宗靖康元年五月十二日詔和預買絹令轉運司以常  
平司見錢隔季椿辦于正月給散不得以他物量支  
十七日提舉京東路常平楊達言州縣之間以和預買  
絹數太多抑勒百姓將復業人戶合免之數著令業者  
承認人甚患之乞令除豁不許均數從之餘路依此  
高宗建炎元年五月一日赦諸路稅賦應支移折變官  
司往往反覆細折如合納見錢小估價直令輸絀絹却  
以絀絹之直折納絲綿又將所折絲綿紹興十年三月旨赦同州制  
重困民力令轉運司遵守條法不得循襲遇該招充三  
年五月二十九日臣僚言州縣十獎稅賦之獎則推割  
不盡故貧民產竭而稅賦猶存徭役之獎則差科不公

故下戶力屈而徭役常重和買之獎則不酬其直謂之  
白著和預之獎則不償其錢謂之白作其驗視災傷之  
獎則被災人戶分數不以寔減而又攤拋斛斗例行補  
雜蠲放欠負之獎則倚閭錢物不以寔除而又改易文  
書指為摺轉拋降之獎則倍數而數以賺免者謂之倍  
貼受納之獎則加量而入刻削者謂之出剝胥吏之獎  
則有守闕收補之名寔同正額皂隸之獎則有承引追  
呼之擾號曰家人欲望深詔監司督察州縣有此十獎  
必刻以聞詔送左右司看詳四年三月一日戶部侍郎  
葉份言乞將折納物帛及度牒錢分作兩限送納上限  
三月終限五月逐縣令佐若能依限効諭數足或違限

稽留令本州具申朝廷賞罰如人戶祇有糧米願行折  
納者與依在市寔直紐計送納到錢糧令守臣別庫椿  
管不得擅行支用詔依 六月二十六日右諫議大夫  
蔡確言人戶輸納夏稅和買鹽布等近歲貪吏至與專  
庫分利故凡民戶自赴官輸納者往往多端沮抑不堪  
滯留之苦則委攬納之家而去民有倍稱之出官受濫  
惡之物詔物帛非<sup>稅</sup>紐<sup>稅</sup>踈濫惡官吏過有沮抑退駁者許  
人戶赴尚書省越訴餘依已降德音指揮 十月七日  
臣際言昔錢氏據有吳越其田稅獨重而會稽尤甚越  
州今秋上戶率折糯米多至數萬石糯米一斗為錢八  
百杭米為錢四百使民又有倍稱之費欲乞于見今杭



糯米折納許用本州科定之數三分之一仍視二物之  
直準納不得用抵斗為則越州供到狀建炎三年分寔  
科五萬一千一百二十餘石詔依建炎三年分數目折  
科紹興元年五月二十三日後殿進呈詔大要以民  
力久困州縣黃緣為奸今後合行催科須明以印榜開  
坐寔數于前具戶口等合出之數于後仍申戒監司親  
行按察如違官吏並竄謫表上因諭曰訪問科率多是  
過數富人賂吏獲免而下戶被其害不可不戒張守  
曰州縣百姓應供上之須寔不敢辭但吏緣為姦過數  
誅求則不能堪尔七月四日江南東路安撫大使兼  
知江州朱勝非言竊見自江以南稻米二種有早禾有

晚不見行條令稅賦不納早米乞權行許納詔令江東  
西兩浙路轉運司量度急闕數目許納早禾米應付支  
用即不得充上供米斛 八月二十三日臣僚言折帛  
錢昨降指揮每匹折錢三貫文省訪聞諸路州縣細絹  
備例高下不等欲自紹興二年為始逐路逐轉運司各  
以納月寔直約依中價從之 二年四月十五日中書  
門下有言訪聞常州率歛太重秋苗之外又有苗頭苗  
頭未已又行折八折八未已又曰大姓大姓既竭又曰  
隱寔隱寔之外名字又未易數湖州率歛百頃之外又  
有所謂月約軍糧者凡民有物力百十每月敷米一石  
下至八九斗初不以市價高下為準每斗止給錢二百

七十文不足以了陪貼儼納脚乘勾耗之費平江府率  
歛之名抑又甚于他郡往往以為饋送過往詰託交通  
之用詔就委郎官胡蒙悉心体究詣寔未上 五月十  
日戶部侍郎黃叔教言浙西提刑司稽考到常州晉陵  
縣人戶夏稅絀絹除元額管催外崇寧中轉運司分批  
到人戶合納委監錢絀成三千一百六十匹四赤送納  
并將人戶雜錢絀計綿子七千三百三十七兩轉輸納  
上件所納絹絀已是三十餘年今來稽考係只將建炎  
三年四年稅簿公案施照竊慮崇寧中拋降折納別有  
所得指揮難以便行蠲減並未見得其多納綿係合納  
稅賦內絀出雜錢是因方田泛行科納之數今欲且依

自米所納數目催輸仍乞下轉運司再行子細根究逐  
項元拋物數因依以間從之 同日戶部侍郎黃叔教  
言欲將浙江荆湖今年上供米取入戶情願于稅限前  
以早占白米抵斗送納者聽如已入秋稅限江湖即取  
情願加一分兩浙路依舊以大禾米送納從之 十九  
日江西安撫大使李光言契勘自米受納二稅必使赴  
軍資庫送納却行起赴朝廷今若使物帛徑從縣道起  
發則自此以後令佐皆得直達朝廷若有紕踈巧偽濕  
惡及正數不足估剝所虧監司守臣必不肯任責朝廷  
行移又將直下諸縣如此不亦多事乎今來胡蒙等申  
陳欲望速賜寢罷從之 六月十八日江東安撫大使

李光言據廣德縣秋苗舊赴水陽鎮倉交納後因路遠鄉民遂將本戶苗一石乞貼納三斗七勝耗充脚乘免赴水陽只就本軍及建中縣倉交納是致官中造諸鄉版簿使隨正苗理納加耗至建中靖國以來人戶陳雪免納之時緣本軍承受轉運司批降額斛一時間不與申明前項加認起米六萬石因此立為年額續後本軍添置官兵兼泛常批科羅買百色支費盡出民間緣此人戶輸納苗米不辦以致典膏田土拋失家業近年又寇敗殘擾逃移之人歸業甚少而重稅仍舊今欲依條改正盡行蠲免緣前項加耗係漕司以理為額之數今乞蠲一半送納施行從之 二十二日倉部員外郎成

大亨言衢州常山縣夏稅及預買本色紬緣非土產逐年人戶並於外州收買回縣送納非使願以絹代紬輸官從之 同日紹興府會稽縣言本縣管催紹興元年湖田米納及九分五厘有畸零欠數乞從本府立價折納入官戶部勘當委是零欠不多詔依紹興元年例折納價錢仍每石折錢三貫文足 七月十八日江南西路安撫大使兼知洪州李光言前嘗具奏江西路人戶惟以納和買及夏稅本色為重賦今州縣催納一年平色絹遂至五貫文足一匹綿增至六百文足一兩綿絹之價<sub>既</sub>日增而早米入市其價日減貧弱之戶計所收米不足以輸所納欲望且令本路將和預買及上供綿

絹並折價錢  
都有勘會江  
南西路今歲  
預買并上供  
一半本色絹  
絹綿

除綿已全行支撥及紬絹已于數內有應副過福建等  
路宣撫使司一行官兵冬衣之數外其餘紬絹理當權  
宜措置以寬民力詔江南西路人戶合納一半本色和  
預買并上供紬絹及洪州合起催衣紬四千一百餘匹  
絹二萬五百餘匹將截日未納數並特許折納價錢一  
次依已立定折充糴本錢數絹每匹作四貫五百文省  
紬每匹作三貫文省如今人戶願納米斛紐計市價從  
便折納光奏洪州舊管上供催衣紬四千一百餘匹絹  
二萬五百餘匹省下六縣將夏稅紬絹折納而成端匹  
價錢收買今屬縣殘破逃亡未復委實無所從出乞蠲  
免一年尋詔特依八月六日兩浙轉運副使徐康國

等言兩浙路逐州縣却將鄉村民齎到陳米退嫌須要  
早米送納乞令州縣人戶合輸早米願齎陳米亦許受  
納從之 二十三日左司諫吳表臣言諸州折變物帛  
至有數倍者州縣漕司不復加恤欲望行下諸路應令  
後折科並令市長牙人以中價紐估詔令戶部取見違  
戾漕憲職位姓名各罰銅十斤人吏從杖一百科斷餘  
依奏 九月十五日廣南東路轉運司言被旨相度德  
慶府乞予新州肇慶府分認稅米緣新州即非沿流去  
處難以搬運欲乞令肇慶府分認米二千石德慶府依  
舊認四千石從之 二年正月三十日南康軍言本軍昨因兵  
火人戶去年秋稅無力耕種欲望行下許本軍令上戶



送納本色下戶依市價折納見錢庶得貧闕人戶易于  
輸納從之 十月六日劉大中言廣德軍廣德縣步額  
苗米在國初時係津般赴宣州水陽鎮送納其後人戶  
為重湖阻隔不使之就本軍倉納仍于正苗上每斗出  
耗米三升七合充宣倉脚乘之費名曰三七耗近來平  
軍建平縣據人戶詞狀稱今縣管五鄉內唐通桐汭兩  
鄉元隸廣德縣後割入建平至今苗米三七耗額尚在  
元不曾蠲減廣德軍雖減一半比之隣近鄉分委是太  
重欲望將廣德建平兩縣三七耗額盡行蠲減詔令戶  
部限三日勘當申尚書省戶部言廣德縣所加耗米元  
係人戶乞貼納充脚錢續承指揮減免一半內建平縣

唐通桐汭兩鄉如舊隸廣德縣係合赴宣州水陽鎮送  
納今只就今軍縣所有加耗米去處亦合依所降指揮  
減免一半施行今欲下江東轉運司照會不管違戾免  
致搔擾從之 七日江南東西路宣諭劉大中言徽州  
山多地瘠所產微薄自偽唐陶雅將歙縣績溪休寧祈  
門黟縣田園分作三等增起稅額上等每畝至稅錢二  
百文苗米二斗二升為輸納不前却將納絹綿布虛增  
高價紐折稅錢謂之元估八折惟婺源一縣不曾增添  
每畝不過四十文乞將二稅依隣近州縣及本州婺源  
縣則例輸納詔令江東轉運司考究本末因依相度具  
委如何施行事狀保明以聞 四年七月十九日神武

右軍都統制張俊言臣家近于逐廢置到產業除納夏  
稅正稅役錢外其應干非泛諸般料配和預買等並乞  
蠲免詔特依既而臣傳言望命有司檢會見行官戶料  
數及和預買等條法割與俊使俊曉然知即今自見任  
宰臣以下或有產業並與百姓一等均科又言今統兵  
官尚多使各援此例以來免不知何說以拒之伏望斷  
以不疑收還所降指揮是乃所以安俊也詔前降指揮  
更不施行仍割與張俊照會五年四月二十八日專  
切措置財用司言臣僚白劄子論州縣二稅自有定額  
緣人戶有析居異財以一户分為三四戶或六七戶  
綿有零至一寸一錢者亦取一尺一兩米有零至一勺

一抄者亦收一升之類合零就整之數若此者不可勝計往往鄉司隱沒入已或受過人戶價錢或攬過催頭錢物抱認數目悉以合零之物充之官司催科已及正額遂不復根究所謂合零就整者盡入猾胥之家勘會稅賦畸零剩數雖依法于簿未結計竊慮未至詳盡欲下諸路轉運司行下州縣別置簿拘管逐年委通判點檢依條折納價錢別項椿管專充上供從之九月十三日諸路軍事都督司有言体訪得四川科折太重已行下遵從祖宗舊制乞再降指揮約束施行詔依如有違戾去歲令川陝宣撫使司覺察以聞六年四月二十一日知福州張致遠言應災傷陸分以上去處今年

夏稅和買乞特許展限一兩月少寬民力其餘路分亦各依常限催理不得先期責辦于是戶部言輸納自有起催納畢日限如官司縣促常限及未入限或未經科校輒差人催理者並有定立專一斷罪條法災傷放免不盡者限及更與轉限三十日仍令諸路轉運司檢坐前後條法行下所部州縣常切遵守施行如有違戾即行按劾從之二十六日右諫議大夫趙需言岳州自罹兵火版籍不存逐年不以田畝收稅惟以種石紐稅以種一石作七畝料數而中間所取稅物反覆紐折有至數十倍者此尤可駭湖外之民已廢農桑寔緣于此竊恐州縣例有茲弊非特岳州乞行改正詔令各路

提刑司限十日体究尚書省 五月八日右司諫王縉  
言乞下江西路應人戶折納以麦一石二斗折米一石  
外不得別更收耗如有違戾監司按劾施行從之 十  
六日殿中御史周秘言淮南田土除諸佃依已立定課  
子輸納屯田合官私主分外其餘並不得依前以撮課  
子如舊例牛租之類亦令一切禁止或敢違戾並許百  
姓越訴官更重寘于法詔依仍令淮南提點司体究如  
有上件事理一面改正訖具狀申尚書省 十一月二  
十八日權發遣淮南兩路公事張成憲言契勘淮南還  
業之人所有稅額未定州縣乞依已降指揮寔種頃  
畝且令催納課子二年候參配稅額見得定數別行起

催詔依每畝不得過五升 十二月十五日詔四川租  
稅令遵依祖宗舊法不過得折科如敢違戾仰提刑司  
覺察聞奏是歲兩浙轉運副使李迨會納每年所納夏  
稅和買折帛錢除發足上供之數外逐州尚有寬剩錢  
數婺州一萬四千四百五十三貫八百五十八文秀州  
一十萬貫文湖州六萬八千九百六十貫文平江府四  
萬五千二百四十七貫四百五十五文共二十二萬八千  
六百六十一貫三百八十八文逐年依折帛錢條限起發至  
今為例 七年正月一日無為軍言奉軍累遭兵火之  
後耕種尚少委是民力困弊欲乞展免稅役二年詔展  
一年 八年六月十二日樞密付使王庶言兩淮州縣

內有已起納二稅去歲將合納綿細稅絹雜錢白米六  
色以在市價例準折作錢却將準折到錢別科米麥至  
一畝之地所納物斛至有四五斗者欲下淮南兩路轉  
運司行下所隸州縣將合起納二稅人戶依稅額求定  
州縣已降指揮更與收納課予二年從之 九年五月  
十四日宗正少卿三京淮北宣諭方廷寔言人戶苗稅  
左法係隨地色高下納租即無再立菜園戶法欲乞改  
正依稅法隨田高下納苗稅詔剏與逐路轉運司依租  
宗舊制措置施行 二十四日詔令新復州縣將劉豫  
重徵之法焚于通衢 十年九月十日明堂赦諸路州  
縣人戶納田畝錢依已降指揮免收頭子市例船脚等



錢官司騷擾當職官除名勒停公吏人等流配海外情  
重者依軍法施行內江浙沿流去處比緣有司申陳許  
令從便折納米斛仍已約束不得大量加耗尚慮州縣  
並緣侵漁民被其害仰帥臣監司常切覺察如有違犯  
按劾以聞當依已降指揮行遣諸路州縣稅絹其畸零  
尺寸折納見錢本以便民訪聞多是高估價直使民重  
困輸送仰轉運提刑司常切覺察諸路稅苗多是稭米  
折麥糯米却將糯米折變見錢并加耗之數亦行折納  
是致八戶倍有困弊今後應合折料不得于外數展轉  
折變 十一年七月七日臣僚言昨降指揮許浙江州  
縣民戶送納折帛錢以十分為率納折二分絹折三分

綿折五分今州縣乃盡令折錢却于出產綢絹去歲抵  
價收買以取出剩又應民戶積欠稅物許紹興九年與  
作一年兩科紹興七年八年分作二年四科隨稅帶納  
今州縣乃緣闕乏之際應民間七年八年九年積稅盡  
令一併送納急于星火至有破家蕩產流離轉徙乞行  
某約詔依 十二年九月十三日赦諸縣起催官物依  
條合抄錄人戶應納定數預給憑由近年令佐施慢但  
憑鄉司印給其間脫漏增加情弊不一或已輸納不將  
縣鈔銷簿致納與米納例被追呼仰監司覺察今後憑  
由如有脫漏止勒元給散公吏陪填其增加之數與不  
即銷簿吏人斷停永不得充役縣官失覺察按劾以聞

勘會人戶畸零稅賦令合鈔送納本以便民行之岁久  
寢生甚要謂如十戶合鈔當納米一石絹一匹之類一  
戶既已湊納尚不住勾呼其餘或將憑由多填姓名妄  
有催理愚民無知憚于追擾不免認納甚非優恤下戶  
之意自今應畸零米斛絲綿匹帛許人戶取便或願合  
鈔湊成匹石等或願後先折納見錢並許送納與免收  
頭子磨費限比下給鈔銷簿各不得循襲以取贏餘重  
困民力訪聞州縣催理稅賦多因形勢官戶及胥吏之  
家不輸納或典買之際並不推割產去稅存無從催理  
官司取辦一時勒令催稅保長等出備類主破家日後  
尚敢勒令出備當職官遠竄人吏決配若豪滑之戶故

不輸納及典買之際不依條推割稅賦擇其甚者具名  
申尚書省 十三年十一月八日南郊赦訪聞諸路  
稅苗多以粳米折變糯米却將糯米折變見錢并加耗  
之數亦行折納是致倍困人戶今後應合折科數不得  
展轉折變 十五年五月十一日上宣諭輔臣曰民間  
所納折帛錢每匹可減一十庶寬民力 八月一日知  
池州魏良臣言應折帛錢止隨本戶寔數不收合零既  
便催科又優下戶仍乞下江浙轉運司依此從之 十  
六年七月二十六日權發遣均州周綬言本州遞增淮  
管紬絹民間頗以為重欲乞權免增今年一分且依去  
年已增三分之數送納從之 同日權發遣舒州汪希

旦言今州認發上供米麦緣地居山僻艱于行運欲乞  
權依市真折納備錢起發內額納本色者聽從之  
十月十六日進士章公奎言向緣軍兵財賦缺乏乃于  
民間預借其稅以濟軍用今偃兵息民固已有年而豫  
借之稅今尚未免况豫借之獎折納太重近于重斂工  
諭輸臣曰此事有否朕與鄰國通和正為百姓若豫借  
以擾民失朕本意今戶部取索措置以聞  
十七年二  
月二十二日右正言巫伋言縣州有民間輸納常賦而  
不給以朱鈔者或已給却不行用勒令再納者欲  
下  
郡邑自今如有循習前獎並仰人戶越訴仍令所部監  
司常切覺察按劾以聞從之  
九月二十四日宰執進

呈諸路監司守臣自今所部縣令治狀顯著者保明奏  
聞奏上曰當今正以惠養百姓為先務秦檜曰如民間  
折帛錢太重理宜蠲減上諭宰執曰朕久有此志祖宗  
時每練價直八百官司乃以一千和買民間既免舉債  
出息及絲蚕收成之後並皆樂輸比乃割折帛之請令  
人戶折納見錢殊為非理不知今折納若干秦檜曰當  
令戶部取見寔數進呈上曰若隨逐路色額減納錢數  
非唯可蘇民力且使知朕所以休兵之意是月二十  
六尚書有言江浙州軍見輸納折帛錢舊立價錢比之  
時價稍高兼逐路土產物帛不一竊慮民戶難于出辦  
乃詔兩浙紬絹每匹減作七貫文內和買減作六貫五

百文綿每兩減作四百文江南東西路紬絹每匹並減  
作六貫文綿每兩減作三百文自紹興十八年為始仍  
詔令逐路轉運司酌度州軍出產多寡均撥分数務令  
均被寔惠仍具數以聞 十八年二月二十一日權知  
蘄州呂延年言江山山西一路自李氏稅苗數外增借三分  
以應軍須欲乞行下本路漕司如委具田產步畝所載  
稅苗倍于他路即取旨量與裁定仍乞先將公納一項  
錢米特免乞移折變詔令戶部取索諸路色目一体看  
詳以聞 十九年七月二十四日上宣諭輔臣曰昨日  
丞相論鎮江府預借人戶苗米極為搔擾不知何故如  
此缺乏可令監司理會先將守臣放罷 二十年二月

一十八日廣南西路提點刑獄公事路彬言靜江府昭  
州夏稅折布錢最重于諸州蓋自紹興五年諸路軍事  
都督行府一時措置每匹折納價錢比舊增及一倍以  
上自後沿襲依數折納欲望將兩州所折布錢減去增  
價止令依舊價折納或于見納價錢上三分之中與減  
一分詔令戶部看詳取旨



賦稅彙錄下

高宗紹興二十一年二月一日詳定

一司勅令所刪定官魏師遜言郡縣或因未償賤于輸納之時却欲以苗折錢欲望申勅郡縣守令監司覺察許人戶越訴從之十一月二十二日權知池州黃子游言本州六縣每歲所納苗稅惟有青陽一縣比之其他縣分每畝所納苗稅獨為太重乞下轉運司体究詣

寔將青陽縣比附隣近縣分所納稅額酌中裁定詔令  
戶部看詳取旨 二十二年正月二十一日大理評事  
莫濛言竊見州縣常賦稅秋苗官耗義倉各有定數而  
受納官吏往往于額外別立名色謂之加三收耗及脚  
耗之類民戶受弊至有納一二倍總及正額者其多收  
在官之數止資官吏侵盜欺隱寔無補于用度欲乞令  
有司檢坐條法行下州縣每遇受納揭示民間許令越  
訴仍令監司郡守常切覺察如有違戾者按劾聞奏重  
寘典憲從之 二十二年三月二十八日大理寺主簿  
丁仲京言州縣預借人戶稅租有借及一二年者其間  
復以本色紐折見價又倍之輸納稍緩加以嚴刑欲望

申嚴法禁如有違戾令監司按劾以聞上曰此多是州  
郡妄用若稱節不至如此可令戶部申嚴條法行下如  
有違戾令監司按劾御史臺彈奏八月十三日監察  
御史魏師遜言欲望申飭郡縣今後于受納二稅之時  
曉諭民戶自詣輸送當官給鈔銷落欠額不得准前多  
方邀阻容縱兜攬以為公私憲害如有輒敢違戾去處  
令監司按劾以聞重寘典憲詔令戶部檢坐見行條法  
指揮申嚴行下十一月十八日南郊赦勘會比來粒  
米狼戾而州縣間有將合納苗米高立價直違法折錢  
雖已降指揮令監司覺察尚慮州縣利于妄用依前折  
納有因民力仰監司常切覺察如有違戾按劾以聞二  
十五年十一月十九日二十八年十一月二十三日三十一年九月二日赦並同此制

三十三年六月二十五日上諭輔臣曰靜江府士人所  
上書乞減稅事可令有司看詳行下稅額像胡舜陟妄  
增尤為民害不可不減也 十二日新差權知忠州董  
時敏言州縣人戶送納苗米起發上供其水脚糜費固  
已帶納而州縣又從而科數令重疊送納欲望行下逐  
路轉運司條具如有似此重疊數納者悉行改正從之  
九月十五日大理評事劉敏求言夏秋二稅分立三  
限中限不納方許追催近年縣邑往往初限未周即行  
追逮監繫拷掠欲望申嚴法禁戒飭諸路縣邑逐年催  
稅必遵成法無或違戾從之 二十五年十月四日詔  
紹興二十六年分民戶二稅不得合零就整令戶部行

二十八年十一月二十三日  
三十一日九月二日赦並  
同此制

下諸路監司州軍遵守如有違戾許經尚書省越訴  
十一月十九日赦夏秋二稅催科自有省限州縣官吏  
多不遵奉條法受納之初便行催督蚕方成絲即催夏  
稅禾未登場即催冬苗峻罰嚴行恣行箠楚傷害百姓  
莫此為甚仰監司常切稽考如有違戾按劾申奏重行  
責罰 紹興二十六年正月二十六日戶部言今欲遍  
下諸路監司州縣將人戶二十六年分合納畸零稅租  
寔數折納價錢如願將本戶畸零寔數與別戶合鈔送  
納本色者聽從民便從之 二月三日右司貧外郎兼  
權戶部侍郎鍾世明言欲望朝廷行下四川轉運司取  
見預借稅賦縣分若借及一年者即令分作二年四料

理折借及二年者即令分作四年八料理折出給公據  
付人戶執照仍將逐年理折之數分明批鑒簿書及人  
戶公據自後輒敢預借及不與人戶理折並不為批鑒  
簿書公據官吏從轉運司按劾重作施行仍許人戶越  
訴或他路有似此預借去處亦乞依此施行從之 七  
月六日右正言凌哲言之下諸路州縣應積年掛欠苗  
稅官物等並權住催候至秋冬之交收成了畢再行追  
理于是戶部言人戶積欠已放至紹興二十二年終具  
以後年分候收成日隨料催納如有違戾仰監司覺察  
按劾從之 八日詔諸路縣道起催產稅鄉司先于民  
戶處私自借過夏稅和買人已並不到官却將貧乏下

戶重疊催科補填工件失限數目下戶畏憚往來再行  
送納重困下民無所伸訴令戶部看詳立法如有諸路  
縣道公吏輒于八戶處私自預借稅物許令越訴犯人  
重行斷配監司守貳常切覺察從殿中侍郎御史周方  
崇之請也十四日詔逐州委知通將逐縣官戶權勢  
之家合科納和買等並與平民一尋如輒敢減免官司  
及減免之家並計贓斷罪令監司覺察如有違戾按劾  
聞奏八月四日權知桂陽軍程昌時言州縣為民害  
者莫如科配巧立名字行之自如欲望專委監司郡守  
鏤版大字榜示諸村鄉鎮市凡有科配許民越訴有司  
許受其詞不許繫其人差官体問得寔申明朝廷係不

遵詔旨宜以違制論所科錢物並以人已斷罪上曰科  
數不均最為民害出榜之說朝廷累有指揮唯是官吏  
為姦恐民間盡知數目不得而欺隱所以不肯出榜尔  
二十四日上宣諭輔臣曰前日景麓上殿論川中折  
帛錢太重絹一匹之直私下不及五千而官估則取十  
千他物之估率皆稱是去歲裕民所蠲減價直不過一  
千而已更須量與減損若只行下令看詳雖行十數次  
未必濟事若莫便劄與四川總領司令契勘合蠲減數  
目申朝廷庶幾民受寔惠朕自即位以來如土木之工  
玩好之物外至于邊事內至于錫予未嘗一有妄用凡  
以為百姓而已九月二十日右正言凌哲言欲乞申嚴



州縣守令並須遵依近降指揮應人戶稅祖疇零止據實數折納價錢及聽合鈔送納本色外不得准前過有料取以就整數仍乞委逐路監司常切覺察違者按劾以聞并許御史臺體訪論例及人戶越訴從之 二十四日直秘閣知臨安府榮蕤言襄陽府百姓田產多所隱落本路轉運司盡行根括增添租米數目比舊太重民力不勝後因修築漢江隄防權宜將所增畝苗十分裁減二分近聞除下戶依減定數催敷外所有上戶却令盡依增添之數輸納欲望行下京西轉運司檢會本府前後增減因依照應改正從之 十月二十八日三省言委州按察崇德知縣林善問因催發折帛錢却于

民間倍科騷擾先次放罷取勘聞奏上曰科借錢物若  
一一在官猶可但恐因而人已大抵贓吏最為民害不  
得不治今後須至追盡贓物緣取贓既多若不盡追自  
謂雖得罪猶不失為富人以此更無畏憚沈該等奏今  
後當一一遵依施行閏十月十三日兩浙路轉運副使  
李邦猷言人戶合納夏稅乞令州縣將人戶名下正絹  
若干和買若干出給憑由散付人戶收執永遠照應輸  
納如人戶物業有進退合分明開具改給不得暗有增  
減從之二十七年六月四日權尚書戶部侍郎林覺  
言兩浙州縣第五等下戶今歲合納紬絹乞將一丈以  
下從便折納價錢每尺一百文足零寸一十文免收頭

子勘合等錢仍委令佐同受納即時給鈔銷簿如報多  
增錢數容縱合千人阻節乞覓官吏並計贓斷罪訴人  
戶越訴上因諭輸臣曰合零就整此固甚善然亦須相  
度謂如一戶為首率九戶共鈔官司先給由子與鈔頭  
若官吏得人即時銷入則十戶更無騷擾不然却恐鈔  
頭多掠錢物送納了當却收藏由子不肯齎出比至官  
司追催緊急衆人不免又須再納此貧民下民所以重  
困卿等可措置令經久便民然後行下宰臣沈該等奏  
曰今年夏稅物帛已起催了且今有司熟議自來年為  
始二十三日臣僚言諸路州縣起催產稅積弊甚大  
富橫之家與本縣公人相與為党使下戶細民破家逃

移深可憐憫蓋未催科之時典史鄉司先于民戶處私自借過夏稅和買入已比至開場更不納官以一邑計之有數百匹五至十匹之家失陷官物不知幾何却將下戶重疊催科補填工件失陷數目乞令戶部看詳立法令看詳參酌下條詔諸州縣公吏人于人吏處縣借稅租及和預買紬絹者杖八十若上限盡而不為送納計贓重者準盜論三十匹配本城許人告仍聽被借人戶越訴委監司守貳覺察二十八日左司諫凌哲言諸路縣道起催產稅公吏攬子先于民戶處私自借過人已不為了納戶部看詳立法尚有未審當令戶刑部重別修立到下條諸州縣公吏于人戶處輒借稅租和

預買紬絹錢物同準盜論五十匹配本城許人戶告仍  
聽被借人戶越訴告獲州縣公吏于人戶處輒借稅租  
和預買紬絹錢物同錢五十貫諸攬納稅租和預買紬  
絹錢物謂非係公之人本限內不納杖六十二匹加  
一等罪止徒一年詔依一年仍行下州縣知通監司常  
切覺察二十八年正月二十一日將作監主簿葉顯  
言伏望特降指揮州縣所納二稅並依時價不得輒有  
增加而閩中下四郡倍耗最為甚者并乞委轉運司以  
時檢察按其違戾從之二十九日工諭輔臣曰閩福  
建民戶輸納苗米每斗折價錢八百文士大夫往來曾  
議論及此樞臣陳誠之奏曰已前不聞如此七八年來

諸州或科納價錢有及二分以上在法米斛畸零之數  
許納錢所以便民今乃取其高直一概科數豈穀賤  
農田反蒙其弊上曰闕中米價每斗凡錢陳誠之奏曰  
去年豐稔糙米只是三百以下錢上曰今納八百要用  
糜費許多使此錢昧戶部助國用猶恐其傷于民況州  
縣一時措置多取妄費此不可不完其弊若第五等戶  
畸零之數許納價錢亦湏有寔數豈容高價科數陳誠  
之奏曰聖恩如此民不勝受賜二月二十三日石正  
言朱倬言福建折納米價每斗至于八百有奇是又倍  
于廣右之數近饒州樂平縣亦科抑東<sub>米</sub>每斗四百五十  
竊恐別郡成風有虧仁政欲望福建及他郡折納令漕

司依祖宗舊法令納初時詢定寔價寔價之外耗費共  
不得過百錢如非緊急不得科折仍令漕司粉壁曉諭  
使民通知州縣故違必論違制監司隱而不舉亦寔典  
憲從之 二十八日知閬州蘇欽言昨令州縣給散民  
間合納夏秋二稅憑由寔為利便然憑由之給不徒具  
稅祖合納名色而已須具一歲間今戶二稅增減之數  
如夏秋稅憑由各具去年至今年稅錢米斛物帛增減  
之數或收買典到某鄉某人某地名田土稅錢若干或  
典賣出本戶某地名田土稅錢或秋稅物斛若干入某  
人戶下見今戶下寔計稅錢或物斛若干合納及移折  
變物帛斛斗後錢下項開具縣令佐點檢無差錯簽押

用縣印給付民戶收執所給憑由並于起催前一月給  
散如有欺弊不寔大科錢物許人戶經縣或經州論訴  
施行從之 七月五日前知興國軍周冲言望戒飭州  
郡應管內諸縣二稅拖欠去處委官檢照如係工三等  
人戶少欠數多即令推究官吏情弊施行從之 八日  
右正言朱倬言訪聞諸邑多有違法凡民戶入納第令  
楮頭給會子用領未肯給鈔期年之間忽有追呼有鈔  
者則曰簿書未銷執會者則曰此易為信俾拘維之必  
其再賦欲望敷諭大臣措置行下倘有相習承前之弊  
小則罰月俸大則展磨勘罪雖惟輕要在必行俾守令  
少取其甚者罷一功百以戒欺給上曰人戶合鈔之弊



要往往有之蓋緣攬納之家利于快便不肯分作小鈔更與吏輩相表裏或不銷簿致有重科則逐戶既無執守而官鈔在縣不與檢照此弊誠不可革沈誥等奏曰前後法令甚詳當依聖訓令戶部措置于是照戶刑部檢照條法措置以聞既而戶部言凡入納稅賦未肯給鈔或給鈔簿書未銷而受乞財物及抑令重納並有條令斷罪今欲備坐條法指揮下諸路州軍出榜曉諭仍令監司覺察違戾去處按劾施行刑部言戶部已行檢坐法申嚴行下內乞取其甚者罰一功百欲令諸路轉運司將違戾最甚去處開具當職官職位姓名申朝廷重作施行如監司蓋庇不舉即依條互察從之九月

十九日臣僚言江州德安縣向于太平興國中分撥  
三社人烟創建星子縣自兵火後為隣邑德化縣邑侵  
界至十餘里民間就地里近便止于德安縣輸納稅苗  
昨未經界其德化星子兩縣已盡將德安縣撥過田產  
收歸逐縣所有苗稅未曾隨產改割是致德安一縣兼  
受納兩縣無產之稅欲望下戶部將德安縣苗稅且依  
經界以前逐畝祖額輸納仍委自兩路漕臣選擇清強  
官躬詣地頭會集耆老取索于照從寔改正免致一縣  
偏受重賦于是戶部言欲下江東西漕臣徐度李邦猷  
公共相度如有交互未割正苗稅即行重寔改正仍具  
合行改正數目申尚書省如無未割正苗稅即遵已降

指揮施行從之 二十二日廣南西路經畧安撫司准  
差遣李著言袁州欠移苗米于臨江軍寄倉送納本欲  
便民比年江西米賤錢荒民皆賤糴米而貴買金帛至  
臨江軍賤賣之復貴價糴米輸納故民輸一石其價數  
倍素人苦之嘗乞就本州送納仍令人戶自出袁州至  
臨江軍水脚錢候春水泛乃起發漕司公吏受賄率不  
能得願詔轉運司以袁州支移臨江軍所納米從便于  
袁州送納詔令本路轉運司相度施行 十月二十一  
日知陳州鮮于噩言今州不通牛耕逃田有請射者不  
三年定轉而之他是致失陷省稅逃移戶口欲將日後  
請佃之人與減所納稅分數次年便行起催于是戶部

看詳本官所陳即未見立合減稅賦分數及日後有無  
虧額若次年便行起催又恐人戶耕墾未至成熟却致  
艱于輸納若從本路轉運司從長相度經久可否利便  
申取朝廷指揮施行從之其後湖北轉運司言今相度  
欲依紆于盡所乞將逃請田八三分中湏得界荒田一  
分並許自耕種日與免兩科稅仍自次年便行起催其  
餘全業請佃逃田即乞與免五年次年起催更通五年  
法與減稅額五厘謂如今年春下狀全業請射至第四  
年合起催即乞再免夏一料使之四年耕食一料收稅  
從之二十九年七月二十八日荆湖南路提点刑獄  
公事彭合言州縣為政二稅之外毫髮不取遠方僻邑

更緣為茶創添名色擅行科歛有司土戶錢有曰折絕  
錢有曰醋息錢有曰麴引錢欲望行下有司檢坐擅科  
歛法申嚴行下諸路監司常切按察如州郡容縱並與  
同罪從之 二十九年八月五日詔紹興府會稽縣昭  
慈永佑陵宮前後買過民地其入戶舊管稅切慮州縣  
尚行催理可令常平司取見的確賣過地段項畝合納  
稅賦照驗簿籍審定除豁 十六日知英州陳充勣言  
英州舊額丁田米三萬餘石至經界竅寔不滿萬石而  
前任轉運判官鄭禹抑勒州縣認舊額虛數至今轉  
運司逐年猶以舊額督責更不以經界為正是致百姓  
流移日甚又廣東一路惟南雄連英有此虛數三州之

民均受其害乞詔本路漕臣照應經界寔數催科詔令  
轉運司將南雄連英三州照應經界新額催科不得用  
虛數抑勒州縣 三十年六月十九日上謂輔臣曰岁  
方六月禾稼未登訪聞民間已催積欠可令諸路轉運  
司徧行下州縣候將來秋成了日方可催理庶幾民不  
告乏遵角易足湯思退等曰陛下勤恤民隱一至于此  
天下幸甚 二十一日戶部言今岁豐登粒米狼戾似  
聞州縣往往以催理積欠預期差人下鄉非理追呼事  
屬騷擾乞下諸路轉運司嚴行戒約如寔有未納稅賦  
候收成了日方許催理仍仰本路常切覺察若有違戾  
按劾重作施行從之 七月二十四日臣僚言州縣夏

秋二稅之欠或水旱逃荒不行除放或豪貴典賣不為  
推收或簿鈔積壓而不銷或公吏領攬而不納逮至省  
限過勘旋遇鄉司根刷或勒貧民重疊監理或追耆長  
責認陪填徒有舉催舊料之名即是侵過本料之物但  
添追擾再欠如初與其責望于失陷之後孰若儉察于  
茲獎之前乞下有司逐一舉行條例毋為具文從之  
十一月二十一日權發遣荅州軍州事馮時行言本州  
秋稅米無正色唯納估錢其估錢從來元無定價正從  
太守臨時約度米一石至今人戶納錢引一十三道重  
困民力已令百姓充土丁者一石只納八道不充土丁  
者納十道乞用今來所減錢數立為定價詔令成都府

路轉運司審度如委是官司兩便即依此施行 三十  
一年二月十七日兩浙路轉運副使林安定言巡歷郡  
縣多有形勢之家憑恃強橫全不輸納苟有追呼小則  
繫逐戶長大則脅制官吏于是縣令懦者低首而容忍  
强者反擠排而去又有陰為民戶影占田產規避稅役  
習以成風畧無忌憚欲望詳酌乞行下本路州縣如有  
形勢不納租稅及為民戶影占田畝之人許令縣官具  
寔迹申監司按劾以聞從之 四月三日臣僚言州縣  
民戶秋稅輸納多收加耗獎猶未革緣逐路漕臣不恤  
州縣之有無誅求無厭致秋稅之入少得留州而一州  
之間岁有養兵吏祿之費無所從出故不免于輸納之



間收取耗剩以取贍給欲望嚴詔有司俾逐路漕臣取見諸州縣岁合所用寔數存留應副使州縣無得藉口以生姦弊如依前尚敢不遵法令多收合耗乞重寔典憲詔令戶部看詳其後戶部言在法受納應納數外輒收羨餘或輒他用及非法擅斂並有斷罪條法令欲依所乞行下諸路轉運司取見所部州縣岁合支用寔數存留應副所有加耗剩常切遵守前項見行條法指揮施行毋人違戾仍令本司逐時覺察如有違戾去處按劾施行從之五月十三日臣僚言廣西運司比年以來變稅折錢不問州之遠近稅之高下盡行支移折變欲望行下戶部契勘免行科折仍乞本路以逐州之稅

各隨本州送納于是戶部言在法租稅合支移及料折之物轉運司量地理近遠審量豐歉土產有無于起納九十日前以物名數行下稅租擇近便處令下戶以輸納應支移折變者先富後貧自近及遠轉運司籍記應陞降即時注之其支移非急切及軍期而人戶願納支移物價腳錢者聽人戶輸納稅租應折變物轉運司以納月上旬時估中價準折有違法者提点刑獄司覺察奏劾人戶稅租應副他處輸納而願就本縣納者轉運司量地理定則例令別納寔費腳錢即難于輸送而人戶願納錢或改折物者具利害申運司無妨關聽從民便折變支移和買不計豐歉貴賤多寡以貴為賤以

賤為貴及多寡豐歉不寔並有斷罪條置制欲下廣南西路轉運司遵守前項見行條法施行毋令違戾從之

九月七日知漢州王葆言民間輸送夏秋二稅畸零錢帛物斛舊法許衆戶合零就整同旁送納自軍興以後縣鎮利于出剽應于畸零務要納整更不許合鈔欲望朝廷申嚴行下縣鎮許令民戶將畸零寸銖合勺等類許依舊法各于逐鄉逐里並就整成匹兩升永開單名共作一鈔輸納入官仍于稅簿內簿頭上子細分開下戶畸零都數若干別置簿歷專一抄上畸零錢帛物斛單名納到錢數照用準備駁磨從之

十三日知梧州任詔言廣西州縣例皆荒瘠之所民戶貧薄了辦稅

賦不前拋棄田業者不少往往未曾衙閣督責催理累  
及四隣及承催保長等逃亡愈多臣今欲乞朝廷特降  
指揮許令諸州徑行根括逃絕田畝倚閣稅租乞申所  
屬監司監司委官覆寔申戶部除豁于是戶部言欲下  
詔諸路監司州軍依所乞事理施行如有逃亡合開閣  
減免租稅州縣依舊勒令隣保陪填代輸並依見行條  
法施行仍從監司覺察如有違戾亦仰從本司按劾施  
行二十四日資州鄉貢進士劉冕言昔李椿年舉行  
經界其實均兩稅之要也自今現之有名無寔何以知  
之經界之行伍保與民俱湊于田執契驗田不容詭冒  
量田頃畝土色肥瘠以定稅多少而賦輸之輕重以之

孝宗皇帝

乾道元年正月

一百三年十一月六

年十一月六

十月九日南郊赦

並同此制至限陳

首並止一月云

漆施行七月

二十四日上

今則不然其賦輸不自于稅或取之價錢或取之家業  
或取之以山石子斗故有偏輕偏重之失欲乞嚴行約  
東州縣俾皆罷去家業價錢山石子斗一用經界所均  
兩稅以定賦輸常數詔令戶部看詳戶部言欲下本路  
轉運司取見悠久利便以聞從之 紹興三十二年壽  
皇皇帝已即位未改元六月十三日登極赦應人戶典  
賣田產依法合推割稅賦其得產之家避免物力計屬  
公吏不即過割致出產人戶虛有抱納或雖已過割而  
官司不為減落等抑令依舊差科立限兩月許經官陳  
首即時推割如違限不肯令元產人戶越訴依法施行  
七月二十四日臣僚言諸路州縣輸納夏稅令人戶

納折帛錢大貫五百却遣人于出產處收買輕絹每匹  
不過兩貫五百起作上供支散軍兵寔為公私之害及  
人戶有合納時零絹分寸並令准納一尺價錢計其時  
零一匹無慮得錢七十餘貫其起上供綱日止依元數  
紐計價錢其餘盡為官吏侵盜又納秋苗一石以上受  
納官吏將所納米數約度已足密令人戶紐價納錢入  
已出給虛鈔乞行禁止詔出榜曉諭如有違犯許人越  
訴將犯官吏重寘典憲如監司不覺察亦與同罪 八  
月一日詔淮南路去冬殘破去歲展免二稅止據寔墾  
田土量行撮收課子其間有先佃逃絕職田等人不問  
已未耕墾逃田上等每畝二斗中等一斗八升下等一

一斗五升絕田每畝七升或一斗至二斗今采州縣依  
舊送納全租可將淮南殘破州軍民戶已佃逃絕等田  
且據目今實開墾田畝將先立定租課特與減半送納  
未耕田畝權行倚閣候及二年並依舊輸納從淮南運  
判莫濛請也 二十三日詔臨安府係駐蹕之地及四  
方衝要去處有民間田地為官司所占或作寺觀花園  
管寨官宇等雖已減免二稅訪問和買納絹州縣不曾  
隨稅除豁却均衆戶送納自今應官所用民間田地其  
和買並隨二稅蠲免不得暗數衆戶違者聽人戶越訴  
當議根治從中書門下有請也 十二月三日詔紹興  
府會稽縣三都人戶二稅不得支移折變其後隆興二

稅不得支移折變其後隆興二年五月六日紹興府言  
本府和買額數比他州縣最重就八縣之中惟會稽縣  
尤甚今來不敢申乞減免緣本縣正係積官止蒙蠲免  
三都支移折變乞照宮陵制景德四年永安縣優卹  
例將會稽一縣盡與蠲免支移折變所有年額折帛乞  
與除豁盡數起發本色詔兩浙轉運司將會稽縣稅賦  
與免支移折變所有本縣年額和買折帛止令盡數起  
發本色更不折錢 十一月十四日給事中金安節等  
言有旨太一宮見管秀州嘉興縣伏祀鄉草田并臨安  
縣赤岸柴山依條合納夏稅秋苗外其餘科數數和買  
折帛及諸色科借等可行下所屬並與蠲免日後置到



田產准此竊詳太一宮既有秀州臨安府兩處田產其  
稅租科敷和買等自合依條供輸近歲和買折帛之類  
民間雖病其重然以物力科敷事体均一故樂輸而無  
辭今若偏有蠲免則其所免之數當復加于他戶矣斯  
民得無甚病而與不均之歎乎况所降指揮有日後置  
到准此之文彼既得此又將與豪右交關廣殖產業與  
齊民競利非所以崇清淨之教也詔前降指揮更不施  
行 壽皇聖帝隆興元年正月二十六日詔江浙諸州  
軍合發上供紬絹綿年例除進奉外將夏稅和預買准  
衣以分數折納價錢補助經費令江浙轉運司依去年  
所折分數酌度均撥行下折納既而臣僚言去年所折

分數嘗以十分為率內絹折三分紬折八分綿折五分  
兩浙路紬絹每匹折錢七貫和買折錢六貫五百綿每  
兩折錢四百江南兩路紬絹減作一貫綿減作三百依  
此拘推歲供錢六百餘萬貫蓋緣養兵之費不欲強歛  
于民故從折變字民之官往往加數以折或令全折及  
將零寸就整無慮增倍蚤未及歲預行催借因求贏餘  
且復強取勢必重困乞嚴賜戒飭逐路漕臣督察州縣  
于省部定立折納分數外不得擅有增加如違許人戶  
越訴寔之典憲漕臣符同亦加責從之 九月十八  
日戶部言四川安撫制置使沈介乞將紹興三十年以  
前四川人戶交易白契田宅稅錢不問登載及業在戶

下與否並行除放又前川陝宣撫使王之望申奉司承  
朝旨將業在戶下白契依赦免其倍輸只納正稅今據  
利州繳到制置使除放榜示與近降指揮異同疑誤百  
姓契勘工件契稅奉合輸官止緣業不在戶下朝廷寬  
恤將已納在官錢許令對折稅物又緣四川即今調發  
軍馬用度增廣若盡將已納在官錢對折見今合納稅  
賦即于大軍歲計妨闕欲下四川制置司提領所通報  
所部州縣將業不在戶下已納在官錢數正許對折奉  
戶積欠稅賦其今降指揮到日以前已與人戶親戚及  
諸色人仍先降指揮對折訖者更不追改所有三十二  
年六月十三日赦後未曾投稅之人自合遵依見行條

法所有已納在官錢對折民間積欠稅賦錢數令本所  
別須椿管如遇大軍歲計闕少即申明朝廷指揮支撥  
貼助從之 二年正月十八日知池州韓元龍言本州  
昨准指揮為青陽縣稅重將稅減二分半苗課米減二  
分其減免過數于轉運司所得係省錢內依數檢還緣  
本司別無寬剩錢米乞免撥還于是戶部再申請依已  
降指揮發還從之 三月二十七日德音赦廣西州軍  
合納稅租訪聞州縣料折見錢却以和糴等名色抑勒  
人戶過數輸納已降指揮下轉運司不得非理折科及  
令提刑司嚴行覺察尚慮奉行減裂重困民力可令逐  
司常切遵字如提刑司失于覺察委御史臺彈劾如有

羅過米數米還價錢日下支給 四月二十六日知常  
州宜興縣姜詔言本縣無稅產人戶每丁納丁身鹽錢  
二百文足第四五等人戶有墓地者謂之墓戶經界之  
時均紐正稅又令帶納丁鹽緡作折帛錢輸納契勘本  
州晉陵武進無錫係于田產上均納獨本縣昨米經界  
將鹽緡紐在下戶帶丁收納乞依晉陵等三縣一例隨  
產均納從之 十二月三日詔四川轉運司行下所部  
州縣夏秋正稅緡帛如人戶願合鈔成匹送納本色外  
有時零之數遵從見行條法聽依寔直價納錢仍仰本  
司常切覺察無令抑勒價錢違戾 乾道元年正月一  
日南郊赦應夏秋二稅催科自有省限州縣官吏多不

乾道六年十  
一月旨南郭  
教九年十二月  
九日南郭教  
並同此制

遵奉條法受納之際多端作獎倍加斗面或非退換縱  
容弄斛揀子計會乞取方行了納或先期預借重疊催  
理不與除豁既已納足阻節銷鈔之類甚為民害仰守  
令嚴加覺察如有違戾仰監司按劾申奏重行黜責仍  
許人戶越訴 二月二十一日詔訪聞兩淮州縣多于  
人戶逐年合納常賦之外過數科敷謂如夏稅有殘零  
折變錢又有自陳折麥錢又有續陳折麥錢其秋稅及  
坊場河渡課利有似此巧作名色之類可令逐路提刑  
司体究如有似此去處開具申尚書省取旨施行從中  
書門下省請也 五月三日詔江浙州軍每岁人戶合  
納二稅物帛等內温台處徽州係不通水路去處依指

彈許人戶依立定分數並以銀折納訪聞州縣却于數外要有科折顯屬違戾可令逐路轉運司行下逐州軍將人戶今歲合納折帛銀遵依指揮自立定方數及照應的實市價即不得以加耗為名大科秤斤兩如有違戾許民戶越訴將官吏按劾以聞據多收之數計駐斷罪從中書門下省請也 六月五日臣僚言四川諸縣二稅積欠其弊在吏如來歲夏科已預借于今歲之秋秋科已預借于去年之夏豈容有一錢之通然有給鈔而不銷簿者有盜印鈔而匿財者有私立領據而官不受理者有公吏攬取而賦人不歸于公上者欺隱百出未易彈舉一遇赦恩除放吏之罪釋然而民之憂如故

也有司所損歲不知其幾萬若至數赦則不知其以幾  
千萬計矣乞下諸路監司遵守條令不許預借若積久  
不舉歲輸告乏即選清彊吏如前所陳一一究治之詔  
令提領制置司常切覺察十一月十九日執政進呈  
建康府言盧場沙田稅賦今年七月指揮令今秋拘催  
而九月指揮于來年秋起催楊侯等已依九月指揮施  
行而梁俊彥又令依七月指揮送納上曰只依九月指  
揮庶寬民力二年五月一日詔右迪功郎新差充江  
南東路常平司幹辦公事程諤特降一資放罷新任所  
欠常賦令日下監納知饒州俞翊奏諤身為命官積年  
不納常賦一戶共欠七百一十一貫有奇乞施行以為



形勢戶不納常賦之戒故有是命 十一日詔平江湖  
秀三州已開掘圍田稅賦即行除訪將經界後圍田今  
未不經開掘者候農隙州委彊明官分頭詣逐縣打量  
的確頃畝並依省則經立合起稅色保明申州類聚申  
省部隨稅起理後兩浙轉運司使王炎請也 三年正  
月二十五日太府少卿魯言言折料折帛國家之所不  
得已也吏緣為姦以稅錢折麥以苗米折糯為州縣場  
務麴釀之資于法以四月中旬麥價立定折料今州縣  
率為姦吏估麥必損其直以稅錢一折金十民已困矣  
准絹為匹八貫有奇折麥有至二石五斗糜費耗折幾  
麥五石以去岁麥價經計十六七千而辦一端之稅場

務所趨課利有定額利折米羨有定數縣道往往過數  
多折和預買本以利民今不給直而白著矣不取絹而  
折錢矣稅絹和買輕重不侔丁鹽綿絹名色各異元降  
指揮以上供和買各折五分今縣道有將諸色物帛一  
例科折互有出入合折者暗納本色不合折者反輸價  
錢詔諸路轉運司行下所部州縣遵守見行條法又依  
紹興二十八年三月四日指揮施行如有欺弊不實許  
人越訴仍從轉運司常切覺察按劾五月十八日詔  
右奉議郎新太平州繁昌知縣魏克臣特降一官放罷  
新任所欠當賦今所屬日下監納以克臣在鄉豪強不  
納二稅從戶部之劾也六月二十六日詔臨安府新

城縣每年進際稅賦與減半一半以知臨安府新城縣  
耿秉言新城縣田畝舊緣錢氏以進際為名虛增進際  
稅額太重每田十畝虛增六畝計每畝納絹三尺四寸  
米一斗五升二合桑地十畝虛增八畝計每畝納絹四  
尺八寸二分此之謂正稅其他又有和買納絹每田一  
畝計二尺四寸陸地一畝計三尺六寸又有折科小麥  
夏秋兩科錢提計一畝納稅兩千八百戶齎出天聖皇  
祐間典賣契書分明開說所典賣產田寔量畝步若干  
虛增進際畝步若干及經界打量乃見虛增之數太多  
失于陳乞除放照得逐鄉印板稅則提計本縣合放之  
數水田產絹一千六百八十匹有奇苗米二千八百一

十六石有奇桑地紬絹二千二百九十二匹有奇乞與  
除放故有是命 七月十八日詔右通直郎知秀州嘉  
興縣關冕特降一官兩浙轉運副使姜詵奏嘉興縣出  
運省限拖欠常賦苗米一萬一千一百餘石知縣更不  
催納故也 八月九日右諫議大夫陳良祐言諸郡納  
省絹限以十二兩和買限以十兩自有定數昨因徽州  
湖州絹戶部退剝近左藏軍供送絹帛係袁州建昌軍  
物帛戶部元究治官吏雖退剝者繼令發納究治者合  
于專庫並已放罪然諸處受納監官望風懼罪縱令合  
人百般遮阻如絹一匹有求十三兩者如土產止係黃  
絲必求白絲者年例止用屑絲今欲更求細絲如此非

一常年用錢四串可約一疋今增為六貫至高價折錢  
分遣人詣行在并產絹去處買納又民間典賣田宅限  
六十日起縣後稅再限六十日齎錢赴縣投納稅契不  
得過一百八十日自有定法其諸縣稅契錢旋行解發  
作月椿錢赴州送納今聞諸郡盡行拘赴本州投稅且  
如縣到州五七程民間些少典賣而使之負擔往返半  
月官司難阻是以民間典賣不肯報州白折稅錢乞禁  
嚴州縣每年納絹自有常數不得數外邀取諸縣投稅  
自有定法不得拘赴本州從之 十二月十八日詔和  
州萬弩手永免戶下三百畝賦稅從和州胡昉請也  
四年四月十六日臣僚言國朝征賦止是夏稅秋苗軍

與以來乃有折帛和買而州郡不恤多將夏稅秋苗大半高價估折却于他州買絹以充工供之數斛面取米以足軍糧之儲民安得不重困哉乞降指揮禁約諸州軍依法催科並要本色不得折納價錢至于畸零自如常制戶部契勘催本色除有部立定折納分数外欲下諸路轉運司詳合今來臣僚奏陳照應見行條法約束令監司互察施行從之 八月十六日尚書度支郎官劉師尹面對奏江浙兩路折帛錢紹興初年立價折納後增一倍至十五年四路折帛並從裁減自後二折夏稅納絹各減一貫五百江東西並減兩貫緣州縣不依省部科折分数暗有增添如絹只合科三分今科至七

分乞漸次裁減以寬民力上曰朕未嘗妄用一毫只為百姓可從其請九月七日臣僚言州縣人戶歲輸夏秋二稅並係今戶所有田產花利以時供輸或有逃移事故拋下田業其稅賦依條本縣驗寔檢閣今州縣恐失元額仍舊催督勒承催保正長代為填納故破家蕩產者甚衆乞行下諸州委知縣根創應逃亡事故人戶拋下田產未有人承佃耕種者盡數根創開坐鄉村項畝召人權行佃種送納稅賦遇有歸業之人依條施行從之十二日四川宣撫使虞允大言被旨州縣尚有預借人戶賦稅令于提領所椿管添造錢引三百萬貫內取撥一百萬貫委置提領本路漕臣考覈預借寔數

與州縣補填自今更不許預借已施行外緣未有立定  
專法縣道畧無忌憚今欲將預借縣分令佐以違制論  
仍不以去官自首赦降原減任滿批書印紙公吏依上  
條從准盜論斷配不在自首赦原之限若有入已自從  
本法從之 十二月十七日詔兩浙江東西路乾道五  
年夏稅和買折帛錢並權與減半輸納一年如州縣輒  
敢過數取民一文以上許人越詣檢校院進狀陳訴官  
吏當重寘典憲既而中書門下省言所降指揮非不嚴  
切近來州縣放免數外將逐年合納本色高糧備直勒  
民戶納錢自行買賄充數又其間有將合減之數不盡  
蠲減謂如每匹合減三貫止減二貫之類甚失朝廷寬



恤之意詔令逐路監司嚴切覺察如有似此違戾去處  
按劾聞奏監司或失于檢舉令戶部糾劾御史臺彈奏  
並重作施行 五月二日詔隆興府將三鄉寫遠  
稅正額錢三百五十九貫苗正米六百二十八石并沿  
納折科盡行蠲除今後不得別作名目復有科擾以知  
府事劉珙言本府奉新縣附郭係建康同安兩鄉平時  
上戶多居近郭故將別鄉產稅併縣所居鄉分催科經  
界之後隨產均稅既均之後則向來諸縣互差寫稅積  
年既久契據不存莫考其本乃盡以寫稅均于建康同  
安兩鄉兩鄉既受隨產稅苗不肯復受寫稅自此詞訴  
不絕末後乃將上件寫稅彙委之于晉城新安法或三

鄉三鄉亦已受經界隨產之稅復加寫稅重者至十分而增四豐年所得不了租稅乞與蠲除故有是命七月二十五日知紹興府史浩言諸暨為縣當台婺之末流每歲秋潦水必泛溢古人于縣之四旁作湖七十二處以受此水久湮廢人占以為田昨因經界法行官吏無恤民之心盡將湖田作籍田打量計二十三萬五百二十二畝有奇苗米摠計八千八百七十石有奇夏稅紬綿本色折帛錢共計一萬六百四十六貫有奇今若將前項夏稅紬絹帛折變改作苗以中色價紐計米三千二百一十七石二斗七升五合并恭八元管苗米八千八百七十石九斗八升六合五勺二項共一萬二千

八十八石二斗六升一合九勺于工供物帛即無虧損  
乞降付戶部許令紐折施行詔紹興府將前項紐計錢  
省倉中界限見行糴米價直作二貫文九十九陌折納  
米一石添入每年認發湖田米起發施行九月二十  
九日權發遣秀州徐藏言昨降指揮乾道五年夏稅和  
買折帛錢並權與減半輸納一年謂如八戶合納十匹  
若三分折錢每減半其七分自合納本色緣秀州非產  
絹地分有專降指揮和買夏秋皆是折錢比之其他州  
郡和買見稅十分之中止減放一分半而本州遂全減  
五分竊慮虧損國計詔遵依二月四日已降指揮本州  
合發絹既係逾年全行折錢自合照諸州軍事例將三

分錢數權減半催納一年 六年二月二十八日措置  
浙西江東淮東路官田狀所參酌擬立稅租數目已業  
沙田主分所得花利每米一石欲于十分內以一分立  
租已業蘆場等地田主所得花利紐錢一貫欲十分以  
一分五厘立租租佃沙田主分所得花利每米一石欲  
于十分以二分立租租佃蘆場等地田主所得花利紐  
錢一貫欲以十分之三輸官以工田地除所立租外更  
不敷納和買夏稅役錢秋苗之類如舊曾起立苗稅額  
重則依舊從之 五月六月戶部尚書曾懷言諸州郡  
常賦各有定額緣自建炎初遭兵火歲流民產稅權行  
倚閣今涉三四年又經經界審寔決無不復業之民

亦無不耕之產設若元業主流亡亦必別有人戶請佃  
租種往往郡縣徑自起理租稅歸之州縣州縣巡習舊  
例以逃闕為名申聞省部暗失朝廷財賦歲以數千萬  
計乞令諸路州縣守令限兩日逐項開具逃亡產業坐  
落村鄉并畝步四至係自何年月人戶逃亡及今有無  
人戶租種管業知通令丞簿尉具結罪保明指寔申省  
部不時委官前去審寔如妄作逃亡並以不寔之罪  
之能自首舉者與從日下起理稅賦已前勿論從之  
七月二十八日宗正少卿兼權戶部侍郎王佐言竊觀  
經界民間有在戶未墾田畝嘗降指揮限七年開耕起  
足稅租經今二十餘年已盡為熟田無餘粒分文收上

有簿其間拋荒逃移却岁有開闢不曾收入復業增耕之數民間未嘗不輸盡為縣道官吏蓋藏寢盜暗失有計訪聞知隆興府吳芾檢覆出隱欺稅租以數萬計乞催速具實數申奏仍乞將江西一路委芾選官措画攢造帳冊結罪保明限兩月申奏其所委官能究心盡公別與取旨推賞句或容情盖庇不盡不寔即重寔典憲詔令吳芾選委清强官分往屬郡依此措置一七年二月十四日冊皇太子赦温州乾道六年奉州縣折帛錢并和買夏稅人戶尚有未輸納者已降指揮自三等以下并舊稅零欠及乾道七年夏稅時暫倚闕候秋成日分料送納竊慮民間于今年一併帶納不前理宜寬

恤仰將前項倚閣數目候乾道八年夏料帶納 六月  
二十日詔兩淮許依湖北已得指揮今後民戶墾闢田  
畝止令送納舊稅不得叙有增添從新除淮南運判向  
子偉請也 九月十一日勅令所擬修下條諸上二等  
戶及形勢之家應輸稅租而出違有限輸納不足者轉  
運司具姓名及所欠數目申尚書省取旨未納之數雖  
遇赦降不在除放之限先是臣僚言夏秋二稅輸官之  
物皆上供合起之數謂之常賦今有形勢食祿之家積  
年不納專候郊恩覬望除放遂致上供愆期支用窘闕  
乞今後上三等及形勢官戶應合納租稅雖遇恩赦不  
在除放之限故命立法 十月一日江南東路安撫轉

運司言饒州南康軍今年旱嘆最甚民間合納夏稅物  
帛并折帛錢起發上限一半其下限合起一半乞權行  
倚閣候將來豐熟作兩年帶納詔饒州南康軍第五等  
人戶今來未納夏稅各與倚閣五分尋詔江饒州今歲  
旱傷已降指揮將逐州第五等人戶未納夏稅倚閣五  
分尚慮艱于輸納可將逐州第四等人戶未納今年夏  
稅日下權行倚閣候來年帶納 八年三月十二日主  
管侍衛馬軍司公事李顯忠言先蒙太上皇帝賜田六  
十三項特與免納十料租稅訖所有續蒙陛下賜田七  
十項未嘗陳乞放免租稅乞下平江府紹興府免納十  
料從之 四月二十一日詔兩淮二稅只且催納秋苗



所有課子行下州縣不得更操從臣僚請也

七月七

日詔淮南江東浙西沿江沙田蘆場所立新租與減五  
釐租佃與減一分餘並依舊以臣僚言向來沙田蘆場  
止為有力之家侵耕冒占故令措置奉行之際却將應  
千人戶祖產已業一概打量立新租數倍致人戶逃移  
故有是命 十二月十六日詔州縣人戶納常賦日下  
銷鈔長吏不測抽摘二稅官簿点檢如有違慢具名按  
劾若上下相蒙許令人戶越訴從臣僚言也 十九日  
詔兩浙運判胡昉具到紹興府增起苗米四萬九十餘  
石及乾道五年厯尾剩錢一十六萬七千餘貫並免行  
起發 九年三月二十五日兵部侍郎兼權臨安府少

尹沈度言州縣催科二稅苗米增加斛面多收欠數將  
堪好物帛印以油墨退回掛欠更有產去稅存不與除  
豁已納未銷復行追逮乞戒飭州縣不得故犯如尚敢  
違戾許監司按劾從之 四月五日知會稽縣范嗣龜  
言本縣諸鄉人戶新開田一千五百七十餘畝苗米一  
百二十餘石並係首正田米稅乞將徑行抵填延德鄉  
埤海田畝免致減退省額從之 十九日戶部尚書  
楊俊言言州郡上供常賦各有定額昨建炎之後州縣  
田土間有拋荒去歲合納二稅通年有開闢數目蓋是  
一時權住拘催自經界以來至今近三十年其間豈無  
復業之人而廣德軍昨來開闢之數乃增紬絹至一萬

一千四百餘匹綿一千七百餘兩折帛錢七萬三千五百餘貫袁州開閤之數亦增紬絹至六千二百餘匹并折帛錢二萬一千餘貫以江東西路兩引之虧失上供折帛錢五十餘萬貫紬絹一十餘萬匹絲綿一十餘萬兩止緣州縣將合發上供錢反經界之後復業稅賦暗行侵用或將人戶未復業田土撥作職田贍學之類至予形勢之家侵耕冒占不輸官稅妄以逃閤為名消豁租額乞下江東路專委李正己江西路專委周嗣武將管下州縣見合逃閤錢物照應經界開閤數目限一季驅磨覆寔取見逃閤田土坐落以村去處畝角細數令守倅令佐各結罪保明從所委官再委隣州清彊官親

行覈寔限兩月結罪回申如有不寔按劾依法施行其  
日前所減稅賦免行送納日後覈寔稅賦數目上供起  
發從之 十二月十二日臣僚言江東西路頻年災傷  
民戶逃移至多今歲圩田遭水山田遭旱朝廷寬恤放  
免秋苗展闕夏稅至今圩岸猶未修築流民未盡復業  
若以經界後至今僅三十年不管檢覈之事一旦于目  
下荒歉之際驟然舉行深恐擾民蓋今戶部須降帳式  
要見物產坐落去處畝步數目近鄰四至他荒歸業請  
佃請射姓名年月造帳供具俾守倅令佐結罪保明仍  
立委鄰州官親行覈寔即與昨來推行經界事体無異  
勢須于州縣鄉村徧行根括竊慮民情不安有轉徙之

愚欲望明詔且合兩路招集流移之人俾悉復業及措  
置賑濟候米豐熟于農隙日即依所立帳式根括施行  
從之